

Аф нарушандакшнемс ВЛКСМ-ть уставонц

Комсомолть уставонц васенце пунктонц эса корхтави:

„ВЛКСМ-нь членкс лувондови всякайсь, конац примаф комсомолть рядонзонды 15 кизонь возрастста сявомок 26 кизос модемс, кона признает союзнть программанц и уставонц, работай организациязон эзда фкять эса, подчиняется ВЛКСМ-ть сембе постановлениянзонды и панды членский взност“.

ВЛКСМ-нь эрь членц и кандидатс должен цебарьста мяляфтомс, што комсомолецть мархта регулярнайста членский взносон пандомась внутрисоюзной дисциплинать кемохстанцты ащи серьезнай средствакс.

Но сави азомс, што улихть аф кржа комсомолецт, конат членский взносон пандомать эса пяк грубайстай нарушандакшнесазь ВЛКСМ-ть уставонц. Тяфта, например, наркомздравонь первичнай комсомольский организациянь комсомолецне Здобнова, Андрианова, Бекетова, Володина членский взносон пандомась аф аккуратнайста, кварталти весть, а Подшивалов комсомолецс членский взност пандс сразу 5 ковоккса.

Членский взносонь коряс пяк оцю задолженностс „Красный Октябрь“ типографиянь комсомольский организацияса. Тяса ВЛКСМ-нь 26 членть эзда членский взност март ковоккса пандст 15 комсомолец, апреленкса аныцек—10, а май ковоккса взносне нинге апак кочкакт.

Улихть аф кржа случайхть, мзярда кой-кона комсомолецне сьопондсазс эсь фактический заработкасн и взност панихть аф ВЛКСМ-нь ЦК-ть инструкциянь коряс. Саранск ошень комсомольский организацияста тянь мархта сембодонга пяк отличилс И. Чумаковс (1939 кизонь октябрь ковста сявомок нльне косовок аф ащи комсомольский учетсовок), конац 1939 кизоня ашезс панд 193 цалковай 28 трешник. Нарушениянь тяфтама факт улихть 9-це № полной средняй школань комсомольский организацияса, коса Ильина, Чарышкин, Казанцева, Веретенникова и Черепкина Е. комсомолецне-учительхне тя кизонь январь—апрель кофнень эзда ашезс панд 114 цалковай 94 трешник.

Нарушениянь нят грубай фактнень машфтомаснон инкса эряви вятемс серьезнай разяснительнай работа, сембодонга пяк од комсомолецнень йоткса, конат лафчеста содасазь комсомолть организационнай принципонзон. Вов мезенкса ВЛКСМ-нь ЦК-сь обязал сембе обкомтнень, крайкомтнень и союзной республикань ВЛКСМ-нь ЦК-нь марса ревизионнай комиссиятнень мархта проверямс эрь комсомолецть мархта членский комсомольский взносон пандомать и июнь 10-це шидонза инголе тя кизефксть колга сембе первичнай комсомольский организациятнень эса йотафтомс комсомольский собраният. 105



Искусствать колга Всесоюзной комитетс утвердил театральнай искусствань Государственной институтонь 50 студентонди Сталинть лемса стипендия (Моску). СНИМКАСА: Институтонь национальней студияста группас, конат утвержденьхть Сталинский стипендиас. (Кержи ширеста види шири) Т. М. Очеретловас и Т. Ш. Исаевс (Чечено-Ингушский студияста), М. Н. Трошевас (Коминь студияста), Захир Дистматовс и Абдулла Джураевс (Таджикский студияста).

(Фото-клишесь ТАСС-ть).

ВЛКСМ-нь уставть нарушителевзон колга

ВЛКСМ-ть уставоц веши эрь комсомолецть ширде членский взносон эсь пингстост и правильнайста пандомаснон. Но уставть тя требованинц кой-кона комсомолецне аф пашкотыкшнесазь. Кепотыксонди сфятыма Мордпотребсоюзста первичнай комсомольский организациять (секретарс Чадов ялгась). Тяса 5 комсомолецт, кода Волков, Васильева, Спиридонова, Тусейнов и Свешникова ялгатне лама пинге аф сембе заработкасн эзда паннесть комсомольский членский взност. Виде, кой-конат синь эздост, кода Свешникова ялгась, нинге аф кунара ащихть комсомолса (примаф аныцектя кизонь март ковста), нинге аныцек фкя ковоккса панц взност. Тя лиссь сяс, мес комсомольский комитетс секретарец Чадов ялгась тейнза ашезе азонда членский взносон пандомать колга ВЛКСМ-нь ЦК-ть инструкциянц. Но аф простительна сире комсомолецнень, кода Волковти, конац эрь ковня аныцек потребсоюзста получахнесь 810 цалковай, аф лувомок сян, мзяра сон получахши курснень эзда, а взност паннесь аныцек 560 цалковайста, Васильевать зарплатац 360 цалковай, а взност пани 260

цалковайста. Спиридоновать коновь заработкац 400 цалковай, а пани взност 300 цалковайста. Марса нят ялгатне 1940 кизонь 4 кофнень пингста ашезс панд комсомольский взноста 66 цалковай 80 трешник. А кда лувомс Волковть сембе заработкац, то тя суммась нинге ламода касы.

Эряви азомс, што ВЛКСМ-нь комитетс секретарец тяса нолдась аф кирдемшка благодушия, нямокся фактс, што нят ялгатне нарушають ВЛКСМ-ть уставонц.

Комсомольский взносон пандомаса тяфтама практикась тя организацияса мольтеви ни аф васенце кизось, а комсомольский комитетс мес-бди вестенге ашезе путне нят комсомолецнень колга кизефксть комсомольский собранияса. Чадов ялгась сонц нинге тянемс ашезе шарьхкодс ся истинать, што членский взносон аккуратна и честна пандомась воспитывает комсомолецть дисциплинать и организованностень духса, кемохнесы сонь связенц организациять мархта.

М. Павкин.

Саранск ош.

Кальдяв работать результатонза

„Сире большевик“ колхозонь комсомольский организацияса секретаркс работай Буйновс. Но кода работай сон комсомолецнень и колхозникнень мархта? Кальдявста. Васендакиге, сон эсь комсомольский организациясонза комсомолецнень ашезень кемохста колхознай паксяса работай колхозникнень йоткса массово-разяснительнай работань вятма. Колхозникнень йоткса тундань видемать пингста газетат, журналхт аф лувондовихть, аф тиендевихть бесе-

дат международнай положенинть колга.

Комсомолецс Дьяконовс, сян вастс, штоба няфнемс работань цебарь образецт колхознай производстваса, аф пашкотыкшнесыне работань норманзон.

Буйновти эряви шарфтомс оцю мяль комсомолецнень лангс, штоба маластонь пингть ладямс синь йоткост работать.

И. Горский.

Ст.-Синдровский район.

Эряви практический лезкс

Кадошкинский райононь комсомольский организацияса лувондови 1130 комсомолец. Лама комсомолец эрь шиня кепсесазс эсь идейно-политический уровеньон, кепотыксонди, Лаштыевка велень школань учительс Бикбаев ялгась эрь шиня работай эсь идейно-политический уровеньонц касфтоманц лангса. Тяда башка сон кемохстаф политграмотань кружоконь руководителкс „Ленин-ча“ колхозонь комсомольский организацияс. Тяфтажа лац работайхть эсь лангсост Давыдов, Прякина и Баторшин ялгатне.

Но улихть комсомолецт, конат кальдявста шарьхкодс ВКП(б)-нь ЦК-ть пропагандать колга постановлениянзон, синь тячимс ащихть 1—2-це главатнень лангса. Райпотребсоюзонь сотрудничась Быкаревась, райфонь сотрудничась Филатовась, Савочкин (сельпо), Сергичевась (Роноста), Ландышевась, синь мянь тячимс ащихть 1—2-це главатнень лангса.

Но кодама лезкс максси тя тевса ВКП(б)-нь райкомс? Пяк кальдяв. Комсомолса пропагандать ладяманц инкса ВКП(б)-нь райкомть инструкторский отделонц заведующайц Давыдов ялгась лама корхнесь собраниятнень эса комсомолть работанц колга, но сон эздонза аш кодамовок деловой и практический лезкс.

Лунчекова.

СТАХАНОВЕЦ-ТРАКТОРИСТКАТ

Ковылкина. Самовольский МТС-нь трактористкатне эсь работасост няфнихть производственной оцю показателхть—систематически вельф пашкотыкшнесазс эсь нормаснон.

Тришина трактористкась У—2 тракторса тядде сокас 94 гектар, а комсомолкась-трактористкась Болдова Нюрась сокас 96 гектар.

А. Абакумова.



Майть 30-це шистонза Саранскийса панжесь поэти А. И. Полежаевти памятник. СНИМКАСА: А. И. Полежаевти памятникс. Фотось А. Ивановть.

Аньцек отлична

Саранский 44 № средний школань 5-це „Б“ классонь ученицатне-отличницатне Ананьева Динась и Стрельникова Иннась кемакстасть эсь йотковаст социалистический соревнованиянь договор испытаниятнень отличнайста максомаснонь инкса. Эсь лангозост сывф обязательстваснон пашкоткшнесазь честь мархта. Синь кирдсть испытаният 3 предметса: рузонь кяльса устна и письменна, арифметикаса письменна. Колмицьке предметтнень коряс получаст аньцек отличнай отметкат.

Ананьева Динась и Стрельникова Иннась максихть оцю лезкс ялгаснонды испытаниятненьди анокласта.

Динась корхтай: „Тейне эрь шиня сашендыхть ялгане и минь марса аноклакшнетяма предметть коряс, конанц курок карматама сдавать. Сембе тейнек аф шарьх-кодевикс кизефкснень решавдакш-несайнек марса“.

М. Ефремова.

Саранск ош.

Испытаниань васенце шиня

Ровна 9 частт. М.-Мазканя велень школать эзга вииста кайгсь пайгонясь, конанц пачфть куля ученикненьди занятиянь ушedomа пингть колга. Ушедсть испытаниятне.

Вов сисемце классь.

Васенцесь максомс испытаниятнень савсь ученикни Е. Я. Кудашкин. Вопросникть эса азф сембе кизефксненьди Кудашкин ялгась отвечась аньцек отлична. Тяфта жа отлична овечась кизефкснень каршес Таллалаев ученикське. Нинге вестенге эряфсост синь ашель тяшка радость, конашка тяти. Вдь тяти испытаниань васенце шись, и синь васенцетне получасть билеткат и отвечасть синь эсост азф кизефкснень лангс аньцек отлична.

— Макстама вал,—корхтайхть Кудашкин мархта Таллалаев ялгатне,—што и лядыкс дисциплинатнень коряска испытаниятнень макссайнек аньцек отличнайста.

В. Миряшкин.

Ст.-Синдровский район.

КИНО

КЕНДЛИЯР

(Крестьяне)

Майть 25-це шистонза сявонь 31-це шинцты м о л е м с Саранск ошень „Октябрь“ кино-театраса няфневсь од звуковой кинофильма „Кендлиар“. Фильмась правдивайста няфнесы Азербайджанский крестьянтнень революцияда инголе пях стака эряфснон, няфнесыне синь ханский игать алда освобожденияснон. Фильмаса тьян колганяфтьф башка эпизод, конанц ульсь 1919 кизоня. Няфтьф, кода пантнень бокова ацаф бекть модац, а сонь вакссонза крестьянтнень аф оцю ума пакшкасна.

Штоба лоткафтомс крестьянтнень йоткса модатъ инкса касы революционной волнениянь, Муссавитистский правительствась решил тердемс крестьянский с'езд.

С'ездти, кода и учесь правительствась, повсть пцтай сембе бект, хатт и правительственной чиновник. Аньцек аф лама делегат крестьянт. Тя с'ездти ульсь кочкаф и Гойдамир. Тяза ложнай мандатса эци и Мехмандарбе-



Майть 24-це шистонза панжевсь культурань и ваймамань идень парксь, Саранскийнень пионеронь кудонь пионерхне ученикненьди и родительхненьди тиендсть концерт.

СНИМКАСА: Акробатический группась исполняет акробатический номерхт. Фотось В. Ивенинть.

Испытаниятне выпускной класса

Ровна вейксоса кайгозевсь школань пайгонясь, а 4-це классонь ученикне сембе ни ульсть эсь вастоваст.

Шумбракстомок итнень мархта, Зоя Ивановнась мярьгсь:

— Тяти тинь кирттыда мекольденъ испытаният, конанъ мархта аделасасть 4-це классъ и йотатада 5-це классу.

Тяда меле Зоя Ивановнась тердсь 4 ученик и мярьгсь таргамс билетт, конатнень эса сьорматф кизефкст географиять коряс.

— Зоя Ивановна! Разрешите тейне отвечаем инь васенда,—учительницати пшкядсь Тамара Журавлевась.

Тяда меле Тамарась шаштсь географический картать малас и аф эряскадозь, спокойна кармась азонкшнema полярнай зонанъ острофнень, тостонъ растительность и животнай мирть колга. Тамарась сембе кизефкснень лангс отвечась отличнайста.

Сонь мельганза картати лиссь Глазков Валентинць. Сон аф ламода волновандась, но сембе сяка макссь полной характеристика Ферганский долинат, аозонь СССР-ть севернай портонзон.

Лама школьникненьди эряволь

ба тонафнемс Аперин Альбертт эзда, конанц сембе кизефкснень лангс отвечась уверенна и цебарьста. Тяфтажа цебарьста отвечасть Гущина Лёвясъ, Гердек Зинась, Ивяков Мишась и лиятне.

4-це класса аделавсть испытаниятне. 36 ученикть эзда 21 учениксь отвечасть отлична, 7 — цебарьста, 8—посредственна.

13 част. Ученикне 10-це классникне эряскодыхть классу. Тяса химиять коряс аноклафт нагляднай пособиат, схемат.

Ученикне-выпускникне састь классу, штоба пашкодемсэсь долгснон партиять, народть инголе. Спокойнай обстановкаса, атак волновандак васень билеттнень получазь Вражков, Голова, Волков, Никитин ученикне.

Цебарьста арьсемок кизефкснень, Вражков учениксь мольсь схемати и кармась азондома камернай способса сернай кислотать получаманц и сонь применениянц колга.

15 ученикть-выпускникть эзда химиять коряс посредственнай отметка кивок ашезь получа.

А. Абакумова.

Ковылкинский ср. школась.

ковок. Сон выступает с'ездса васькафнема валса, што бекне и крестьянтне эряхть мирнаста, што Азербайджанца земельнай кизефксь ни разрешандаф.

Тяда инголе с'ездса кеме речь мархта выступил бакинский рабочийхнень представителсна Абас. Сон разоблачает Муссавитистский правительствать политиканц.

Морять берякс пуромсть большевиконь бакинский комитетть членонза. Синь решили кеподемс велеса восстания. Бакинский комитетсь вели пражась оружием.

Железнодорожниксь Петро, Рагим и Гойдамир кулак Ульфетть ц ь о р а н ц свадьбанц решили использовать кода удобнай момент восстаниянь ушedomанцты.

Свадьбать пингста вели сувась всадниконь отряд, шавозь бекть дворецонц вакста стражать и сявонь дворецть и велеса властть. Эльдар шавсы бекть, носонь цьорац ворьгоди. Кулакть храмой цьорац бекть дворецса тии пьянка, коза таргси сяда аф устойчивай партизаттнень. Пьянкатъ эса примоси активнай участия и Эльдарга.

Гойдамир, Петро и Рагим, сода-

мок бекть дворецса пьянкатъ, мольсть тоза и арестовандазь сонь учасниконзон. Веть, валхтомок, часовыхнень, Муссавитисттне врьгатсть велеть лангс. Синь каршезост тюремаса геройски кулось седой Игитсь. Муссавитисттне арестовандазь Рагимонь, Петронь и Гойдамиронь.

Эльдар меле эсь отрядонц мархта освободил Гойдамиронь, Петронь и Рагимонь, конат лихтьфтельхть ни ляцемс.

Бакинский рабочийхне крестьянтненьди лезксонди кучсть бронепоезд, конанъ лезксонц вельде составшай крестьянтне вдребезги тапазь муссавитисттнень. Тя меледень бойть эса храбраень кулома-са кулы и Эльдар.

Картинась аделави Гойдамиронь завоеваннай свободать и модать ваноманц колга клятвань валонзон мархта:

— Клянись, Игитт, рабочийхнень и крестьянтнень йоткса вечнай дружбаць ингса.

— Клянёмся,—отвечайхть партизаттне. И дружнайста крестьятне пражазь бакинский рабочийхнень бронепоездон.

Французский васенце армиять

командующайц сывф пленц

Германский информационнай бюрось пачфни куля, што майть 29-це шистонза германский войскактне Севернай Францияса сявонь пленц французский васень армиять командующайнц Приу генеральт, а тяфтажа лама французский высшай офицерхт.

(ТАСС).

Франциять Север ширесонза

военнай действиятне

Лондон, майть 31-це шистонза. (ТАСС). Парижста Рейтер агентствась пачфни куля, што майть 30-це шистонза английский и французский войскактне кирнезь противникть натясонц Фландрияса фронтть лама пунктонза. Союзниконь войскактне кирнезь эсь позицияснон Изер лаять кувалмова, а иляды участкатнень эзга валом потасть. Дюнкерсь упорнайста аралакшневи. Тянийнъ пингть Дюнкертъ вакста панчфт шлюзатне. Местность ваяфтьф.

Немецнень имафкснон колга

английский кулятне

Рейтер агентствась азонкшнесы, што Западнай Европаса бойхнень пингста немецне 5 тьожянь танкть марстонъ лувксста имафть пцтай 2000 танк и 2000 лама бомбардировщик и истребительнай самолет.

(ТАСС).

Иностраннай печатсь Италиять

позициянц колга

Болгарский „Утро“ газетась пачфни, што майть 29-це шистонза Римса ульсь йотафтьф 10 тьожянь лувксса студентонъ демонстрация, кона каннесь яркай анти-французский и антианглийский характер.

Газетать сообщенианц коряс, итальянский политический крукенъ эса эряй кеме убеждения, што союзникнень каршес Италиять действиянза васьфтихть Испаниянь ширде полнай поддержка. Кода пачфни американский „Нью-Йорк таймс“ газетать римский корреспондентон, Италиясь мольфети мобилизация. Ружья ала аци 1,5 миллиотт ломаньца сявонь 1,8 миллиотт ломань.

(ТАСС).

Чунцинтъ бомбардировкац

Майть 30-це шистонза японский самолеттне тага лиендсть Чунцинтъ вельхкса и бомбардировандазь ошть окрестностензон. Воздушной тревогась мольсь 5 частт.

Майть 27-це шистонза Фуданьский университетть бомбардировканц пингста шавф Китайть крупнейшай экономистон Сунь Хан-Пян профессорсь и кой мзяра студент.

(ТАСС).

Ответ. редакторъ заместителец И. ЧУДАЙКИН.